



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Epiphanius Ep. 12. Maii.

urn:nbn:de:hbz:466:1-44055

ges, totius Imperii viribus ad exscindendam innocentiam abutebatur, commodum accidit, ut in eadē regione urbis Romanus Pontifex lataret, in quā PANCRATIVS domicilium collocarat, nimirum ut dignissimā manu hoc lily Numini consecraret; cuius impulsu PANCRATIVS ultro cum patruo illis ab eo tingi aquis petiit, quibus omnes cæli flores rigantur. Voto potitus tam suavem pietatis halare odorem cœpit, ut venaticos Diocletiani canes, omnia Sanctorum vestigia odorantes, non potuerit latere. Raptus ad tribunal quantumvis sanguinarios Cæsaris oculos rupuit, qui tamen præter oris formam nihil intuebatur. Ergo blanditias primū admovit, infantulum appellans, & filii nomen offerens, si se patrem, à Jovem habere Deum voluisse. Utrumque contempsit, & Jovem quidem generosissimè, negans tam puerum esse se, ut adulterum, & sororis lux maritum sibi putet adorandum. Diocletianus ne plura audiret æquè erubescenda, jussit hunc omnis elegantiæ florem demeti, cuius sanguine utinam Marianæ rigentur horti; ô quales nascentur Narcissi! Ex Surio & Brev. Rom.

Qui differt in futuram & forsitan non futuram etatem suam vitam corrigere, certum bonum dimitti procul dubio; & contemnendo, quod perdit, probat non amare, quod expectat, & meretur non accipere.
S. Anselm. ep. i.

S. EPIPHANIUS EP. 12. Maii.

IUvar suavitatem divinæ circa teneram ætatem providentiæ in EPIPHANIO agnoscere. Is Phoenix gente, sectâ Judæus, patrem decennis amisit. Accedente ad orbitarem egestate, equum indomitum

12. Maii. VITÆ SANCTORVM. 241

mitum à matre jussus vendere , vitium ejus clam non habuit; donatus ob candorē liberaliter etiam in Christianum incidit Cleobium nomine , cuius aspectu efferatus equus EPIPHANIVM excusſit, felici casu; Cleobius enim, invocato Christi nomine, afflictum erexit, calcitonem occidit : ea prima scintilla pectori incidit JESV olim amore arſuro; sed nimirum eam facile Tryphon suffocasset Hebræorum antesignanus , qui EPIPHANIO adoptato , eundem sibi generum desponderat, ægrè ex his pedicis extricandum, nisi eas Tryphonis & filiæ mors incidisset. Commodū deinde equitanti Lucianus Monachus se obtulit , qui ad pauperis preces, veste se exſpolians, exemplò togam puram è cælo accepit. Et causa EPIPHANIO fuit, ut se homini imbuendum permetteret, Numine tam propitio , ut Episcopus ad Iuſtricum fontem properantis vultum radiare , coronamque immi- nere capiti cerneret. Lætis initiis vita omnis con- ſentanea fuit. Famem, ſitim, morbos , dæmones, mortem, cæteraque orbis mala nemo eo potentius coercuit. Hærefes pestem his omnibus capitalio- rem ſtilo confixit. Miretur viventis miracula ju- ventus, unum modò , quod jam exanimis edidit, imitetur. Improbum hominem, nudum corpus in- ſpicere tentantem, calce à ſe repulit , verecundiæ etiam post mortem retinens, quæ hodie ferè om- nium virtutum prima moritur. Ex Metaphr.

Aversum ab omni voluptate mundi oportet esse ani- mum , nunquam definente corpus titillare noxiis illece- bris, quas experimento conſtat appropinquantis dæmonis esse anteambulones, quos tamen, ſi mens sobria Dei me- moriam nunquam depofuerit , nullo negotio proſterne- mus. Ex Testamento S. Epiphan.

L

S. ALE-